

2. ტექნიკური მოთხოვნები, როგორც იურიდიული ასევე ფიზიკური პირებისათვის:

პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა) პრეტენდენტის მიერ წარმოდგენილი უნდა იყოს შესასრულებელი სამუშაოების დეტალური ხარჯთაღრიცხვა (იხ. ხარჯთაღრიცხვის პროექტი /Excel-ის ფორმატში/ ხარჯთაღრიცხვაში საერთო ფასი გამოსახული უნდა იყოს შესყიდვის ობიექტის მიწოდებასთან დაკავშირებული ყველა ხარჯის და საქართველოს კანონმდებლობით გათვალისწინებული გადასახადების გათვალისწინებით:

- პრეტენდენტმა ხარჯთაღრიცხვა უნდა შეადგინოს და მასში მოცემული პუნქტები განაფასოს საქართველოს მთავრობის 2014 წლის 14 იანვრის N55 დადგენილებით დამტკიცებული „ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ შესაბამისად.

- ხარჯთაღრიცხვაში გაუთვალისწინებელი ხარჯები წარმოდგენილი უნდა იყოს **1%-ის** ოდენობით იხ. ხარჯთაღრიცხვის პროექტები, გაუთვალისწინებელი ხარჯებისათვის განსაზღვრული პროცენტული მაჩვენებლის შეცვლა დაუშვებელია. გაუთვალისწინებელი თანხების გამოყენება მოხდება მხოლოდ შემსყიდველის ნებართვით, მისივე ინიციატივით ან მიმწოდებლის მიერ დასაბუთებული და არგუმენტირებული წინადადების განხილვისა და შეთანხმების საფუძველზე, შემსყიდველის უფლებამოსილი პირის თანხმობისა და სათანადო გადაწყვეტილების მიღების შემთხვევაში.

- **სატენდერო კომისიის მიერ პრეტენდენტი დისკვალიფიცირებული იქნება ტენდერიდან (დაზუსტების გარეშე) ხარჯთაღრიცხვის წარმოდგენლობის შემთხვევაში;**

ბ) პრეტენდენტის გამოცდილების დამადასტურებელი დოკუმენტაცია. პრეტენდენტს განხორციელებული უნდა ფქონდეს სტუდიური გადაცემ(ებ)ის დეკორაციის დამზადების სამუშაოები, რომლის ღირებულება ჯამში უნდა შეადგენდეს არანაკლებ - **80 000 (ოთხმოცათასი) ლარს**. პრეტენდენტმა, გამოცდილების დასადასტურებლად, უნდა წარმოადგინოს (სისტემაში ატვირთოს, გაფორმებული ხელშეკრულებ(ებ)ის ასლ(ებ)ი, ასევე შესრულებული სამუშაოების დასრულების დამადასტურებელი დოკუმენტის ასლ(ებ)ი შესრულებული სამუშაოს მიღება-ჩაბარების აქტი, ან/და სხვა შესაბამისი დოკუმენტი, რომელიც დაადასტურებს სამუშაოს შესრულებას/ჩაბარებას) - იმ შემთხვევაში თუ პრეტენდენტის მიერ სამუშაოების დამადასტურებელი დოკუმენტაცია განთავსებულია შესყიდვების ერთიან ელექტრონულ სისტემაში (<https://tenders.procurement.gov.ge/>) მაშინ პრეტენდენტის მიერ შესაძლებელია წარმოდგენილი იქნას შესაბამისი SPA, NAT და/ან CMR ნომრები. - **გამოცდილების არ ქონა გამოიწვევს პრეტენდენტის დისკვალიფიკაციას.**

გ) პრეტენდენტის მიერ წარმოდგენილი უნდა იყოს ხელმძღვანელის და საკონტაქტო პირის სახელი და გვარი და საბანკო რეკვიზიტები - აღნიშნული ინფორმაცია წარმოდგენილი უნდა იყოს იმ შემთხვევაში, თუ პრეტენდენტის მიერ შესყიდვების ერთიან ელექტრონულ სისტემაში პრეტენდენტის პროფილში არ არის და/ან არასრულად არის შევსებული შესაბამისი ინფორმაცია.

შენიშვნა:

- შესყიდვის ობიექტის სპეციფიკის გათვალისწინებით ვინაიდან შესყიდვის ობიექტს წარმოადგენს სსიპ „საზოგადოებრივი მაუწყებლის“ გადაცემების „ახალი დღე“, „პირადი ექიმი მარი მალაზონია“, „ტაიმ-აუტი“, „დღის შოუ“, „ბიზნეს პარტნიორის“ და „ღამის ეთერის“ დეკორაციის მოწყობის სამუშაოებს, ხოლო დეკორაციის დამზადების პროცესში კი დიდი ნაწილი უკავია როგორც შრომით გასამრჯელოს, ასევე დეკორაციის დამზადებისთვის საჭირო სხვადასხვა სახის სპეციფიკური მასალების /საქონლის/ გამოყენებას) გამოცდილ კვალიფიციურ მიმწოდებელს შესაძლებლობა აქვს სატელევიზიო გადაცემის დეკორაციის დამზადება განხორციელოს საბაზრო ღირებულებასთან შედარებით დაბალ ფასად.

აღნიშნულიდან გამომდინარე, პრეტენდენტის მიერ სისტემაში შესყიდვის ობიექტის სავარაუდო ღირებულებასთან 20%-ით და/ან მეტით დაბალი საბოლოო ფასის დაფიქსირების შემთხვევაში არ წარმოეშება ფასწარმოქმნის ადეკვატურობის დასაბუთების ვალდებულება.

- სატენდერო დოკუმენტაციასთან დაკავშირებული განმარტებებისა და დამატებითი ინფორმაციის მოთხოვნა ნებისმიერ დაინტერესებულ პირს შეუძლია სახელმწიფო შესყიდვების ერთიანი ელექტრონული სისტემის მოდულის „კითხვა/პასუხის“ მეშვეობით შესაბამის ტენდერში „ტენდერი გამოცხადებულია“ სტატუსის მინიჭებიდან „წინადადების მიღება დასრულებულია“ სტატუსის მინიჭებამდე არაუგვიანეს 24 საათისა.

- ტენდერთან დაკავშირებული განმარტებისა და დამატებითი ინფორმაციის დაზუსტება/განმარტება განხორციელდება გონივრულ ვადაში, მაგრამ არაუგვიანეს 2 საათისა შესაბამის ტენდერში „წინადადების მიღება დასრულებულია“ სტატუსის მინიჭებამდე.

- ყველაზე დაბალი ფასის წინადადების მქონე მიმწოდებლის მოთხოვნის შემთხვევაში პუნქტით გათვალისწინებული შესაბამისი დაზუსტება/განმარტება განხორციელდება გონივრულ ვადაში, შესაბამის ტენდერში „შერჩევა/შეფასების“ სტატუსის მინიჭებიდან „ხელშეკრულება დადებულია“ სტატუსის მინიჭებამდე.

- სატენდერო დოკუმენტაციასთან დაკავშირებული განმარტებებისა და დამატებითი ინფორმაციის გაცემაზე უფლებამოსილი პირია სატენდერო კომისიის აპარატის წევრი - დავით მიქაცაძე, ტელ: 577 53 85 42 - შესყიდვების სამსახურის სპეციალისტი;